

Date – 11/12/2025
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

- 1. Mizoram Governor General (Rtd.) Vijay Kumar Singh leh Lady Governor Pi Bharti Singh te chuan nizan khan 'Mizoram Creators' Fest 2025' kharna hun, Aijal Club Park-a neih chu an hmanpui.**
- 2. Kum 2025-2027 chhunga YMA kumpuan “ Ruihhlo Do” chu nizan khan Vanapa Hall-ah Central YMA President Pu. R. Lalnggheta'n a hawng.**
- 3. Prime Minister Narendra Modia leh Israel PM Benjamin Netanyahu te chuan firfiaka chetna lakah ngaihnamna nei loa do zel an remti.**
- 4. Union Minister of state for I&B Dr.L Murugan chuan khuarel chhianatna thlang thei hrilhlawkna leh welfare scheme te ramchung hmun kilkhawr berte pawhin an hriat theih nan Akashvani leh Doordarshan te chu thuanmchak an nih thu a sawi.**

<><><>

GOVERNOR

Mizoram Governor General (Rtd.) Vijay Kumar Singh leh Lady Governor Pi Bharti Singh te chuan nizan khan 'Mizoram Creators' Fest 2025' kharna hun, Aijal Club Park-a neih chu an hmanpui.

Governor Vijay Kumar Singh chuan, Digital creator kalkhawmte chu Mizoram state mawi tak leh hnam ziarangte khawvel hmuh theiha pho langa auchhuahpuitu 'cultural ambassador' an nih thu a sawi a. Khawvel thiamna leh hmasawna inher danglam chak tak karah thil thar thiam zung zung duha insiamrem thin thalai, thil danglam bik ngaihtuah chhuaktute'n digital community ni thei tura rahbi pawimawh tak an siam chu lawmawm a tih thu a sawi baw.

Mizoram Governor chuan social media chu hmanraw chak tak a nih tawh thu leh, mimal tinte'n an dinhmun leh thiamnate pho chhuah nan zalên taka an hman mek thu sawiin, digital creator kalkhawmte chu midangte ngaihnan siam saktu, thalaite thununtu leh khawtlanga thil inlumlet dan chena thunun thei an nih avangin an thiamnate a tha lam hawia hmanga, dan zawm chung leh mawhpurnate tha taka hlen chung hman turin a chah a. Social media chu inpumkhatna, thu dik chauh thehdarhna, midangte rilru a tha lam hawia hruaina leh talent tihpun nana hman a tul thu a sawi a. Digital khawvelah engpawh thlang thei a nih avangin chetsual loh nana fimkhur a tul thu leh a him thei ang bera social media hman a tul thu a sawi baw.

He Fest-ah hian Mizoram mai bakah State pawn atangtein YouTuber, Influencer leh Social Media Personality-te tel a, Company lar leh hriat hlawh tak takte'n an hmanraw neihte chhawp chhuakin training an buatsaih baw a ni.

Governor General (Dr) Vijay Kumar Singh leh Lady Governor Pi Bharti Singh te chuan programme zawhah hian Mizoram Creators' Fest puala stall buatsaihte fangin a nghaktute an kawm a ni.

<><><>

RUIHHLO DO

Kum 2025-2027 chhunga YMA kumpuan “ Ruihhlo Do” chu nizan khan Vanapa Hall-ah Central YMA President Pu. R. Lalngheta'n a hawng.

Pu R. Lalngheta chuan, khawlai a an unau thle mai mai riahna tur tha nei lo te, CYMA kumpuan ten hma la tanin TBCC-ah dah thlak tan leh a ni ang, a ti. Ruihlo do chu a sawt tih a takin an hria a, Pafa in be thei tawh lo te, in ngai tak a an han awm ho leh te hmuh chuan a hlawhtlin zia an hmu niin a sawi a. Ruihhlo ngai te diriam lo in, an tan a tha turin YMA hruihute, ruihlo ngaite chhanchhuak turin puanven sawi chhing turin mipui a sawm.

CYMA President chuan fimkhur tak leh dik taka Ruihhlo do tlan a ngai tih sawiin, dan chung a leng an ni lo tih erawh hriat thar a ngai a ti a, dik tak leh huai takin Ruihhlo i do ang u, a ti. Ruihlo an do hian an thawk thlawn lo a, a la ti ve lo ten an tih loh nan, inzirtirna tam zawk neih a ngai tih sawi bawkin, ruihhlo zuarte chuan mi chhungkua nasa takin an tibuai a. Tun atang chuan an ruihhlo zawrh lo sim tur leh eizawna dang lo ngaihtuah tur in a chah a ni.

He hunah hian Central YMA chuan ruihhlo ngaite enkawlina neitu, Operation Kingdom Ministry (OKM) dintu Pi Lalruatpui leh Tawngtai Bethel Camping Centre (TBCC) hotu Pu TT Zohmingthanga te hnenah chawimawina Thuziak an hlan.

Kumpuan hawna hunah hian Aizawl khawpui chhunga YMA Branch 112 aiawh mi 6 theuh an tel a ni.

<><><>

SARAS FAIR

Mizoram State Rural Livelihoods Mission (MzSRLM), Rural Development & Administration Department buatsaihin Lungleia Saikuti Hall-ah SARAS Fair vawi 12-na chu neih mek zel a ni a, he hun hian December ni 13 thleng a awng.

FAIR-ah hian Dist. hrang hrang RD Block 24 atangin SHG ten an kutchhuwk thil an zuar a, Stall 41 hawn a ni. Sorkar chuan stall hawngtu te kal leh haw man, an cham chhunga riahna leh ei tur a tumsak vek a ni.

Buh-hum leh thei atanga siam Zu chi hrang hrang: zupui, zufang leh beer lam kaihnawih zuar an awm nual a, case 50 te an keng hlawm a ni.

Bilkhawthlir atangin Wheat atanga siam Ben Beer chu zawrh niin, Champhai RD block atangin Zupui, isbella te, Sangau RD block atangin zupui te an keng a, hmarcha pickle, mizo mosola, room freshner te zuarin East Lungdar RD Block atanga lo kal ten kurtai leh buhhmui te lo kengin Hnahthial RD block lamin, Chem, sasah-chhan te an zuar hlawm a ni.

<><><>

PLENTY OF NEW RICE

Lawngtlai District chhunga awm Chamdurtlang-I khua ah Buh Thar Tam Chawimawina chu nimin khan hman a ni a. Village Council ten hun an huaihawt hi District Agriculture Officer Pu Lalremmawia Colney chuan a hman pui.

Chamdurtlang-I a Buh thar tam chawimawina hlan te hi, tin 600 thartu Pu Liansailova; tin 450 thartu Pu Zoramawia leh tin 350 thartu Pu Lalvohbika te an ni.

Khuallian Pu Lalremmawia Colney chuan, Kut hnathawk tute tan, Chamdurtlang-I Village Council in chawimawina a siam chu inelna thianghlim a nih bakah intodelh tura midang zirtirna thatak a ni a ti a, Agriculture Department chuan a ngaihluin, kuthnathawktute chu theihtawp chhuah a hmalaktirtu a nih zel a beisei thu a sawi a, englai pawhin kuthnathawktute tan Agriculture Department chu a inhawng reng a ni a ti.

VCP K. Lalremkima chuan Vai buh ring kher lova mahni thar chhuah Zo buh eitur chhungkaw engemaw zatin an thar chu lawmawm a tih thu leh VC Award pawh tun VC term mai ni lo VC term dangah pawh chhunzawmzel nise a duh thute, khawdang pawhin mahni khua theuha kut hnathawk tute Chawimawina chu kalpuise a duhthu a sawi bawk.

Chamdurtlang-I VC Award hi kum kalta atang khan kalpui tan niin, Buh thartam leh Huan siam hlawhtling te hnen ah hlan thin an ni.

<><><>

GAS HOME DELIVERY

Mizorama District Headquarters 5-ah Gas Home Delivery za a za kalpui a ni tawh a, nakkum March thla ah District headquarters tinah Gas Home Delivery za a za a kalpui hman vek tum a ni.

He thu hi wawiina Supply Minister Pu B. Lalchhanzova'n a pisa-a thuthar thehdarhtute a kawmnaah sawiin, tun dinhmunah District Headquarters 5- Aizawl AMC Area, Serchhip, Hnahthial, Khawzawl leh Mamit-ah te Gas Home Delivery za a za kalpui a ni tawh a ti a, Home Delivery kalpui tawhna-ah hian Point Delivery kalpui phal a ni tawh lo tih sawiin, District Headquarters dangah pawh bul tan tawh niin nakkum 2026 March thla atang chuan za a za a kalpui ve tum a ni a tia, Notified Town zawng zawngah pawh nakkum September thla ah chuan Home Delivery za a za kalpui tumin Department, District Consumer Union te leh IOCL official tangkawpin hma an la dawn tih a sawi a ni.

Minister chuan hunpui lo thleng tur inbuatsaihna atan IOCL in tun thla ni 13 hma ngeiin LPG booking backlog/pending clear vek turin a hriattir tawh a ti a, hemi hnuah hi chuan Distributor zawng zawngin booking nghah chhung chu ni 2 aia rei an rial tur a ni lo a ti a. Distributor hma la thalo te chungah IOCL lamin hremna an lekkawh zel dawn thu leh a tul angin FCS&CA pawhin enzuiin hma a la dawn a ti a, Distributor ten gas an deliver in a leitute hmuh lai ngeiin an buk hmasa ang a, delivery boy ten a bukna an keng zel tur a ni a ti a. Gas Distributor te chuan an godown a thlen hma chu gas cylinder an unload tur a ni lo a ti a, Home delivery a gas pek chhuah tur te chu an godown atangin

dan angin endik sa vekin an load chhuak leh tur a ni tih sawiin hunpui lo thleng turah Kohhran zawng zawng te chu sumdawngte tana hman tura siam, Commercial Cylinder a tam thei ang ber hmang turin a chah bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM

Prime Minister Narendra Modia leh Israel PM Benjamin Netanyahu te chuan firfiaka chetna lakah ngaihnamna nei loa do zel an remti. PM Modia leh Israel PM Benjamin Netanyahu te hi nimiran telephone kaltilanga inbiain ram pahnih inkara thil pawimawh hrang hrang leh khawvel thil thleng pawimawhte an sawidun a. Hruaitu pahnih te chuan India leh Israel thawhdunna India-Israel Strategic Partnership chu a lungawithlak an tih thu leh hun lo kal turah ram pahnih tana tha tura thawhdun zel an remti a. Firfiaka chetna chu na taka demin firfiaka chetna leh a kaihnamawih thil zawng zawngte lakah ngaihnamna nei loa do nise an ti a. Hei bakah hian Asia khawthlang lama thil thleng te an sawidun a, Pu Modia chuan helai chhehvelah hian remna leh muanna rei tak a awm theih nan India chuan a pui zel dawn tih a sawi a ni.

<><><>

I&B

Union Minister of state for Information and Broadcasting Dr.L Murugan chuan khuarel chhiatna thleng thei hrilhlawkna leh mipui hamthatna welfare scheme te ramchhung hmun kilkhawr berte pawhin an hriat theih nan Akashvani leh Doordarshan te chu thuamchak an nih thu a sawi. Lok Sabha inkhawmah ziaka zawhna chhangin Dr.Murugan chuan Prasar Bharati chuan hmun kil ber pawhin heng thu pawimawhte hi an hriat theih nan hian hmanraw hrang hrang a hmang a ti a. Social media hmang te leh NewsOnAir app kaltilangin Akashvani station 260 chuang a ngaithlak theih tih a sawi bawk a ni.

<><><>